



UNIVERSITÄTS-  
BIBLIOTHEK  
PADERBORN

## **Flores Meditationvm**

**Bebius, Philippus**

**Coloniae Agripp., 1623**

Medit. 47. De Morte & septimo verbo.

---

[urn:nbn:de:hbz:466:1-59636](https://nbn-resolving.org/urn:nbn:de:hbz:466:1-59636)

4. Hoc verbo *Consummatum est*, Christus indicauit, tantum se fecisse amore nostri, quantum facere potuerit. Decet ergo, vt & nos, si Christum amamus, liberaliter nos illi donemus, & integrè, nec quicquam nobis retineamus, quemadmodum & ipse largus in nos fuit.

5. Principia & exitus actionum omnium Christo sunt consecranda, sicut ipse amore nostri cœpit, & consummauit opus redemptionis nostræ.



MEDITATIO XLVII.  
DE MORTE CHRISTI,  
ET DE VERBO SEPTIMO.

PVNCTA MEDITATIONIS.

- |  |                                   |
|--|-----------------------------------|
| I. Et clamans voce magna IESVS,                      | Mat. 27                           |
| II. ait: Pater in manus tuas commendo Spiritum meum. | Mar. 15.<br>Luc. 23.<br>Ioan. 19. |
| III. Et inclinato capite, emisit Spiritum.           |                                   |

FIGVRA.

**A**B EL iustus innocenter occisus est ex Gen. 4.  
inuidia, à fratre Cain.

PROPHETIÆ.

**I**N manus tuas commendo Spiritum meum. Psal. 30.  
Tradidit in mortem animam suam. Post Esai. 53.

Hoc



*Dan. 9. Post hebdomadas sexaginta duas occidetur Christus.*

*Isaia 53. Abscissus est de terra viventium, propter scelus populi mei percussus eum.*

---

D O C U M E N T A.

1. **C**HRISTVS Dominus noster nudus voluit mori in cruce, sic nobis curandum est, ut cum ad mortem ventum erit, omnium rerum amore nudi reperiamur, item ut optemus, exemplo ipsius cum dolore & cruciatibus mori, atque adeo illius amore sanguinem profundere, quod idem ipse pro nobis praestitit.

2. Si Filius Dei ipso mortis articulo, tanta orationis instantia, tot lachrymis Patri se commendavit, nemo quacunq; iustitia & sanctitate praeditus, sine cura esse debet, sed cum timore vitam agens paratus esse ad tentationes; confugiens, quod Christus fecit, ad diuinum praesidium.

3. Curemus, ut in vita simus filij supremi Patris, id est, abnegemus amore ipsius voluntatem omnem nostram, & in ipsius praecipis absolute obseruandis omnem laborem collocemus, ut morituri fidenter possimus illum appellare Patrem, & spiritum nostrum in manus ipsius commendare.


4. Christus moriens inclinavit caput, ut seruos suos doceret, quemadmodum ipse iubente Patre passionem & mortem exceperit: sic & ipsis, ex superiorum mandatis, subeundas quasuis difficultates, & quibusuis se periculis, etiam vitae exponendum.

5. Si mortis tempore preces nostras audiri  
desi-



desideramus, ut Spiritus noster in manus Patris aeterni perveniat: laboremus ne alium habeamus spiritum, quam Christus Filius ipsius, qui cum esset illi gratissimus, non potuit non illum suscipere.

6. Commendanda est anima & spiritus in manus Patris spiritualis, illique amori Christi praestanda obedientia, quemadmodum & ipse obediens fuit, & Spiritum in manus Patris commendavit.



MEDITATIO XLVIII.

DE REBUS, QVAE POST MORTEM SALVATORIS

SECUTAE SVNT.

PVNCTA MEDITATIONIS.

- I. *Ecce velum templi scissum est; terra mota est, & petra scissa, monumentaq; aperta sunt.* Mat. 27  
Marc. 15  
Luc. 23.
- II. *His visis Centurio ait: Vere Filius Dei erat iste. Et alij spectatores reuertebantur percutientes pectora.*
- III. *Noti autem eius, & mulieres, quae venerant à Galilaea, &c. Stabant à longè hac aspicientes.*

PROPHETIÆ.

**E**Terit in illa die, dicit Dominus, occidet Sol in meridie, & tenebrescere faciam terram in die luminis. Amos 8.

E